

Vers-Sammlung Geschichtenzeit



Dää goht uf Afrikaa,
dää luegt em truurig naa,
dää winkt adee adee,
dää seit: „Uf Widerseh!“
Und de chli: „Pass uuf am Niil da häts es grosses Krokodil“

Dä het eus es Tannli gschänkt
Dä het Chugle an d'Ästli ghänkt
Dä leit Päckli unnedra
Dä zündet alli Cherzli ah
Dä Chlinscht.
Dä isch ganz zablig gsi:
Weles Päckli isch für mi?



Joggeli, chasch au ryte?
Ja, ja, ja
Uf allne beide Syte?
Ja, ja, ja
Häsch em Rössli Haber geh?
Ja, ja, ja
Häsch em Rössli z'trinke geh?
Ja, ja, ja
Da macht das Rössli trip trip trap
und de Joggeli fällt hinde ab



Heb di fescht, heb di fescht
S'Auto macht es Ränkli
Heb di fescht, heb di fescht
Suscht gheisch na abem Bänkli



Fünf chliini Müüsli
sitzed vor em Hüüsli
S' erschte putzt sis schwarze Schnäuzli
S' zweite schleckt sis fiine Pelzli
S' dritti gewagglet mit dem Schwänzli
S' Vierte macht es chliises Tänzli
Und s' föifte rüeft: Achtung passed uuf,
S'Chätzli luuret hinderem Huus!
Händli wäsche, Händli wäsche, das cha jedes Chind
Händli wäsche, Händli wäsche, bis si sauber sind
Und sinds dänn sauber, isch keis Tuechli da
Drum müemers schüttle, schüttle, schüttle
Drum muemers schüttle, bis dänn troche sind



mit gestreckten Armen
Gross und schön isch d'Sunne, warm isch ihres Liecht
und ich weiss nid was mer ohni Sunne miecht.
Hände vor das Gesicht führen, rasch öffnen, herausgucken
Chunnt en dicki Wolke, wo si ganz verdeckt,
doch scho seit si: "Do bin i, ich han mi nur versteckt!"

S'Meer isch tüüf und blau
Mit flacher Hand auf Rücken auf und ab streichen
Chlini Fischli häts und grossi au
Mit Fingerspitzen und Faust klopfen
Det häts en Tintefisch
Mit Fingern von der Seite zur Rückenmitte streichen
Dä verchrücht sich grad hinderen Koralleriff
Hände auf der Seite verschwinden lassen
Da schwümmt en Wal
Kreis mit flacher Hand
Und det en Zitteraal
Zick-Zack-Linien mit Finger
Jetzt chunnt en Sturm vom Nöche Strand
Kind hin und her schaukeln
Alli Fischli schüttleds umenand
Mit allen Fingern heftig über Rücken fahren
Doch bald ischs Gwitter verbi
Ruhiger fahren
So schön cha s'Meer wieder sii



Händli wäsche, Händli wäsche
Suber suber wäsche
Gsichtli wäsche, Gsichtli wäsche
Suber suber wäsche
Dräckigs Wasser, dräckigs Wasser
Dräckigs, dräckigs Wasser



10 chlini Pinguin watschled hin und her
10 chlini Pinguin findet das nöd schwer
10 chlini Pinguin hüpfed uf und nieder
10 chlini Pinguin mached das immer wieder
10 chlini Pinguin sueched es Versteck
10 chlini Pinguin sind uf eimal weg

Dä seit: „Pötz, häsch du viel Sache!“
Dä seit: „Söttisch Ordng mache!“
Dä seit: S'wird jo immer schlimmer!“
Dä seit: „Pfui, das Gnusch im Zimmer!“
Doch dä Chlinscht, dä kennt das scho
und seit: „Mir isches wohl eso...!“

Chline Brumbär
chline Schtumpe
chasch so luschtig umegumpe
D Füessli zäme, d Füessli uff,
hinerer, füre, hesch no Schnuuf?
Z Letscht no zringelum und bum -
gheit das Bärli um!



Zäh putze, Zäh putze
isch doch nöd schwär.
Zäh putze, Zäh putze
immer hin und här.
Zäh putze, Zäh putze
das cha doch jedes Chind .
Zäh putze, Zäh putze
gaht doch schampar geschwind.



Zersch d'Chaufläche, das isch doch klar,
de d Ussefläche, wunderbar.
Z'Letscht d'Innefläche, das isch es Muss.
Und ich darf nahputze, als Äxtra-Plus!

I min Zimmer ame Gländer
Hanged de Adväntskaländer
Alli Täg zur gliche Stund
Luegi was det füre chunnt
Ich stahn extra früehner uf
Will ich mich so freue druf
Bald isch Wiehnacht - alls isch duss
Und mit em Adväntskaländer isch dänn
Schluss



Händli wäsche, Händli wäsche, das cha jedes Chind
Händli wäsche, Händli wäsche, bis si sauber sind
Und sinds dänn sauber, isch keis Tuechli da
Drum müemers schüttle, schüttle, schüttle
Drum muemers schüttle, bis dänn troche sind

